



UCAPAN PEMBUKAAN OLEH

**YANG MULIA
HAJI MOHAMMAD ROSLI BIN HAJI IBRAHIM
SETIAUSAHA TETAP
KEMENTERIAN HAL EHWAL UGAMA
BRUNEI DARUSSALAM**

**DI MESYUARAT JAWATANKUASA INDUK (TEKNIKAL)
POTENSI BELIA ISLAM MABIMS**

**PADA
23 ZULHIJAH 1444H/ 12 JULAI 2023M**

**BERTEMPAT
THE RIZQUN INTERNATIONAL HOTEL**

بِسْمِ اللَّهِ الرَّحْمَنِ الرَّحِيمِ

الحمد لله رب العالمين والصلاة والسلام على أشرف الأنبياء والمرسلين سيدنا محمد وعلى آله وصحبه أجمعين وبعد

Yang Mulia

Haji Mohammad Albi bin Haji Ibrahim

Ketua Bahagian Perhubungan Awam, Antarabangsa dan MABIMS

Kementerian Hal Ehwal Ugama

Negara Brunei Darussalam

Ketua Sekretariat MABIMS Brunei

Yang Terhormat

Bapak Dr. Khoirul Huda Basyir

Ketua Bagian Kerjasama Luar Negeri,

Kementerian Agama Republik Indonesia

Yang Berusaha

Puan Mastura binti Mohamed Tahir

Penolong Pengarah Kanan,

Bahagian Dakwah, JAKIM

Yang Berusaha

Tuan Ibrahim Sawifi

Penolong Pengarah,

Komunikasi Strategik, Majlis Ugama Islam Singapura (MUIS)

Para Delegasi dan Ahli Mesyuarat Sekalian,

السلام عليكم ورحمة الله وبركاته

Izinkan saya membuka kata dengan serangkap pantun:

Bunga dahlia jangan dibuang,

Buat tatapan puteri pangeran,

Membina belia bersemangat juang,

Sanggup berhadapan pelbagai cabaran

1. Alhamdulillah, dengan izin Allah Subhanahu Wata'ala jua, kita dapat sama-sama hadir di Mesyuarat Jawatankuasa Induk (Teknikal) Potensi Belia Islam MABIMS pada pagi ini.
2. Terlebih dahulu, saya ingin mengucapkan setinggi-tinggi penghargaan dan terima kasih kepada para delegasi daripada negara-negara anggota MABIMS yang hadir ke Mesyuarat ini.
3. Dikesempatan ini juga, saya ingin mengucapkan syabas dan tahniah kepada Sekretariat MABIMS di atas pelaksanaan dan pengendalian Mesyuarat Jawatankuasa Induk (Teknikal) Potensi Belia Islam MABIMS ini.

Rakan-rakan Negara Anggota MABIMS yang saya hormati sekalian,

4. Menurut *World Youth Report 2023* yang dihasilkan oleh *United Nations* menyatakan bahawa pada masa ini terdapat seramai 1.2 billion atau 16 peratus daripada penduduk dunia ini adalah mereka yang berumur 16 ke 24 tahun. Mereka ini adalah ditakrifkan sebagai golongan belia dan merupakan kelompok yang signifikan dalam pembangunan dan perkembangan sesebuah masyarakat.
5. Setentunya, belia merupakan aset yang akan menentukan hala-tuju pembangunan dan corak kepimpinan negara pada masa akan datang. Seharusnya dalam konteks MABIMS, perlunya usaha-usaha untuk melengkapkan para belia Islam dari pelbagai aspek baik dari segi keagamaan, politik, ekonomi, sosial, budaya mahupun pendidikan.
6. Platform MABIMS sesuai dijadikan wadah bagi para belia Islam untuk memenuhi potensi mereka supaya lebih holistik, dinamik dan berdaya-tahan. Mereka yang mampu menghadapi cabaran-cabaran di masa hadapan berbekalkan ilmu pengetahuan dan syakhsiah yang mantap.

Rakan-rakan Negara Anggota MABIMS dan para delegasi sekalian,

7. Seperti yang kita maklumi bersama, satu Fokus Strategik yang diamanahkan kepada Negara Brunei Darussalam dalam Rancangan Strategik MABIMS 2021-2025 ialah Potensi Belia Islam MABIMS. Fokus Strategik ini mempunyai dua *Key Performance Indicator* atau KPI yang perlu dicapai iaitu Membentuk Kerangka Program Potensi Belia MABIMS dan Pertemuan Khas Serantau dan Antarabangsa Belia MABIMS dalam setahun.

8. Pada pertemuan kali ini, kita akan berpeluang untuk membincangkan bersama perkembangannya terutama melihat akan *Key Performance Indicator* atau KPI yang pertama iaitu Pembentukan Kerangka Program Potensi Belia MABIMS. Alhamdulillah, dalam hubungan itu Negara Brunei Darussalam melalui Sekretariat MABIMS telah menghasilkan satu draf kerangka Potensi Belia Islam MABIMS; hasil kesepakatan dan keterlibatan pihak-pihak yang berakuntabiliti dan relevan seperti Kementerian Kebudayaan Belia dan Sukan, Brunei Darussalam, Majlis Belia Brunei dan lain-lain lagi. Tidak lupa juga Sekretariat-Sekretariat Negara Anggota MABIMS banyak membantu dalam penghasilannya.

9. Mesyuarat ini nanti diharapkan untuk mendapatkan persetujuan bagi Kerangka ini disahkan untuk dilaksanakan dan seterusnya agar ianya dapat menjadi garis panduan dan rujukan untuk apa jua pelaksanaan program-program di bawah Fokus Strategik Potensi Belia MABIMS nanti.

Tuan-Tuan dan Puan-Puan sekalian,

10. Akhirnya, saya berharap kita akan dapat menghasilkan perbincangan yang memberi banyak manfaat menerusi mesyuarat pada kali ini. Semoga apa jua yang akan dibincangkan dalam pertemuan ini akan mencapai matlamat yang diharapkan iaitu untuk menghasilkan satu Kerangka yang berkualiti dan mempunyai nilai-tambah kepada program-program MABIMS yang sedia ada.

Sebagai penutup, saya hidangan dengan serangkap pantun

Jalan-Jalan Ke Bandar Seri Begawan
Pemandangan Indah Ingin Dilihat
Mesyuarat Potensi Belia Islam sudah dimulakan
Semoga kita sentiasa muafakat

Sekian.

وبالله التوفيق والهداية والسلام عليكم ورحمة الله وبركاته

-MUKASURAT SELESAI-